

# Tutu nuu' ña ni ke'i San Juan kua'an nda'a' ne ini xini Jesús

Jesús nduu' tu'un ña taxi' kivi' nuu e'

**1** <sup>1</sup>Ka'an ndu xiin' ndo' xa'a' tu'un ña taxi' kivi' nuu ña koo' kivi' ndi'i, ña xa yoo ndee ña nuu' kii' tia'an kua'a iin yivi'. Ndu'u ndii, ni xini so'o ndu ña ni ka'an a, te ni xini nduchi' nuu' ña'a' ndu, te ni tondia nda'a' tu ña'a' ndu. <sup>2</sup>Te ña taxi' kivi' nuu e' jaan' ndii, ni tui a iin yivi'. Te ndu'u ndii, ni xini nduchi' nuu' ña'a' ndu, te ndiee' yu'u' ndu xa'a' a, te ka'an ndoso' ndu nuu' ndo' xa'a' ña taxi' kivi' nuu ña koo' kivi' ndi'i jaan', ña yoo xiin' yuva' e' Ndiosí, te ni tui a tein e'. <sup>3</sup>Te ña ni xini nduchi' nuu' ndu xiin' ña ni xini so'o ndu jaan' nduu' ña ka'an ndoso' ndu nuu' ndo', sakan' te iin ndaa' kunduu tu ndo'o xiin' ndu, ndee naa iin ndaa' nduu' ndu'u xiin' yuva' e' Ndiosí, xiin' si'e a Jesucristo. <sup>4</sup>Ke'i ndu ña yo'o' nuu' ndo', te nakuatia' ndi'i nimá e'.

Sandoyo' Ndiosí kuachi e' naa' na'ma e' kuachi e' nuu' a

<sup>5</sup>Ña yo'o' nduu' ña ni xini so'o ndu ni ka'an Jesucristo, te ka'an ndoso' tu ndu'u a nuu' ndo'o: Ndiosí nduu' ña tuún ndatun', te koo' ndee ma'a ña iin yavi ini a. <sup>6</sup>Naa' ka'an e' ña iin ndaa' nduu' e' xiin' Ndiosí, te kusaa' xaa' ka e' kuachi xika' e' ichi' iin yavi ndii, xini xa'an' e', te koo' ña ndixa xaa' e'. <sup>7</sup>Ndisu naa' xika' e' ichi' mii' tuún nu'u ndatun' jaan' ndee naa xaa' Ndiosí ndii, iin ndaa' nduu' e' xiin' ta'an' e', te níi' Jesucristo, si'e a, sandoyo' sakuu' kuachi e'. <sup>8</sup>Naa' ka'an e' ña ne koo' kuachi kumi' nduu' e' ndii, xini xa'an' xiin' mii' mii' e', te koo' ña ndixa naa nimá e'. <sup>9</sup>Ndisu naa' ndiee yu'u' e' kuachi e' nuu' Ndiosí ndii, xa'a' a ña xachuun' ndaku a, te saxinú tu a

ñā ka'án a ndii, koō ka'nu' inī a xa'a' kuachi e', te ndasandoo a nimá e' nuu' sakuu' ña nīa'a ña nī xaa e'. <sup>10</sup>Naa' ka'án e' ña ne kōo' kivi' xaa' kuachi nduu' e' ndii, ña xini xa'an' ndasanduu' e' Ndiosí, te kōo' tu'ün a ñu'u' nimá e'.

### Jesucristo nduu' ña xikui'ní xa'a' e' nuu' Ndiosí

**2** <sup>1</sup>Ne kua'a manī' i, ke'i i ña yo'o' nuu' ndo' te saa ndo' kuachi. Ndisu naa' nī xaa yoo ka kuachi ndii, xachuun' ndaku Jesucristo, te ña jaan' nduu' ña xikui'ní xa'a' e' nuu' yuva' e' Ndiosí. <sup>2</sup>Te ña jaan' nduu' ña nī xi'i te cha'vi a xa'a' kuachi e' nuu' Ndiosí. Te süu' kuachi yoo' kuiti', süu' jaan' ndii suvi tu a nī xi'i xa'a' kuachi sakuu' ne yivi' iin yivi'.

<sup>3</sup>Te naa' saxinú e' ña ka'án chuun' a xiin' e' ndii, kundani e' ña xini xña'a ña'a' e'. <sup>4</sup>Te yoo ka ka'án ndii: “Xini ña'a' yu'u”, kachi nīa, ndisu xaa' nīa ña ka'án chuun' a ndii, ne xini xa'an' nduu' nīa, te kōo' ña ndixa naá nimá nīa. <sup>5</sup>Ndisu yoo ka saxinú ña ka'án chuun' a ndii, ne jaan' nduu' ne kundani xinu xña'a saa xaa' Ndiosí. Te xiin' ña jaan' xini e' ña iin ndaa' nduu' xña'a e' xiin' Jesús. <sup>6</sup>Yoo ka ka'án ña nduui' nīa xiin' a ndii, kuní a ña kaka nīa saa mi' nī xika ña jaan'.

### Nī ke'i Juan iin ña ka'án chuun' xaa'

<sup>7</sup>Ñani ta'an' manī' i, ña ka'án chuun' i nuu' ndo' yo'o' ndii, süu' ña xaa' nduu' a, süu' jaan' ndii ña xa nī xini so'o ndo' nduu' a, te xa nī natiin ndo' a ndee ña nuu'. <sup>8</sup>Ndisu ke'i tukuu i ña yo'o' nuu' ndo' ndee naa ña ka'án chuun' xaa', ña ka'án xa'a' ña nī nīa'a Jesús xiin' xa'a' ña saxinú tu ndo'ó. Kuachi ndii xa kua'an xka'ndía ña iin yavi, te xa xa'a' yi'é ñu'u ña ndixa nuu' e'. <sup>9</sup>Yoo ka ka'án ña xika' nīa ichi' mii' tuún ñu'u a, ndisu ndasi' nīa ñani ta'an' nīa ndii, kusaa' xika' iin yavi ka nīa. <sup>10</sup>Yoo ka ndani ñani ta'an' nīa ndii, xika' nīa mii' tuún ñu'u a, te kōo' ña kuvi kaviko' ña'a' te saa nīa kuachi. <sup>11</sup>Ndisu yoo ka ndasi' ñani ta'an' nīa ndii, mii' iin yavi yoo nīa, te xa ikan' xika' nīa. Te xini nīa mii' kua'an nīa, sakan' ña tüvi' ka nuu' nīa xaa' ña iin yavi jaan'.

<sup>12</sup>Ñani ta'an' manī' i, ke'i i ña yo'o' nuu' ndo' sakan' ña xa nī yoo ka'nu' inī Ndiosí xa'a' kuachi ndo' xa'a' ña nī xaa Jesús. <sup>13</sup>Ndo'ó, te xixa ndii, ke'i i ña yo'o' nuu' ndo' sakan' ña xa xini ndo' ña xa yoo ndee kii' tia'an kua'a iin yivi'. Ndo'ó, ne sava

ndii, ke'i i ña yo'o' nuu' ndo' sakan' ña xa ni kanando ndo' ña ndiva'a. Ñani ta'an' mani' i, ke'i i ña yo'o' nuu' ndo' sakan' ña xa xini ndo' yuva' e' Ndiosí. <sup>14</sup>Ndo'ó, te xixa ndii, ke'i i ña yo'o' nuu' ndo' sakan' ña xa xini ndo' ña xa yoo ndee kii' tia'an ku'a'a iin yivi'. Ndo'ó, ne sava ndii, ke'i i ña yo'o' nuu' ndo' sakan' ña ita' ni'i ndo' nuu' ichi' Ndiosí, te taxa'a' ndo' tu'un a nimá ndo', te xa ni kanando ndo' ña ndiva'a.

**Ka'án Juan ña vä'a kundani e' ña kini ña yoo iin yivi'**

<sup>15</sup>Sakan' na kuii' kundani ndo' iin yivi' yo'o' ni ndee ña nduu' kuenta a. Sakan' ña yoo ka ndani ña jaan' ndii, ndäni ña yuva' e' Ndiosí. <sup>16</sup>Kuachi ndii ndee iin ña kini, ña nduu' kuenta iin yivi' yo'o', kuäxi nda'a' yuva' e' Ndiosí. Süu' jaan' ndii xa iin yivi' yo'o' ni ka'ndi a: naa kuu' ña ndioo' ini kini iin' ne yivi', xiin' ña xikán ini ña xa'a' ña xini nduchi' nuu' ña, xiin' ña ka'án ñuñu' ña. <sup>17</sup>Te ndii, iin yivi' xiin' ña kini, ña nduu' kuenta a ndii, ña xka'ndiá kuiti', nduu' a, ndisu ne xaa' ña kuní Ndiosí ndii, kutiaku ña ndee ndi'i ni kivi'.

**Kuní a ña koṭo xiin' mii' e' nuu' te ndasi' ta'an' xiin' Cristo**

<sup>18</sup>Ñani ta'an' mani' i, xa kuyatin' kuii va xaa kivi' so'o' ndi'i. Te ndo'ó ndii, xa ni xini so'o' ndo' ña kixin te ndasi' ta'an' xiin' Cristo, suu kua'a' ya'a ra xa ni ka'ndi, sakan' na kundani e' ndii, xa kuyatin' kuii va xaa kivi' so'o' ndi'i jaan'. <sup>19</sup>Te jaan' ndii, tee' ndee tein ndu ni kiee ra, ndisu ni nduu xna'a ra kuenta Jesús xiin' e', sakan' ña naa' ni nduu' ra kuenta a xiin' e' ndii, yoo ra xiin' e' ndee vitin. Ndisu xiin' ña ni xaa ra jaan' kuvi kundani e' ña süu' kuenta Jesús xna'a ni nduu ndee iin ra. <sup>20</sup>Ndisu ndo'ó ndii, ni taxi Ndiosí Espíritu Santo naá nimá ndo', sakan' na kuii' xini sakuu' ndo' xa'a' ña ndixa. <sup>21</sup>Süu' ni ke'i ña yo'o' nuu' ndo' xa'a' a ña xini ndo' ña ndixa jaan'. Süu' jaan' ndii ni ke'i e sakan' ña xa xini ndo' a, te ndee iin yu'u' tun vixi kuäxi xiin' ña ndixa jaan'. <sup>22</sup>¿Yoo nduu' te xini xa'an' naa' süu' te ka'án ña süu' Jesús nduu' Cristo, ña ni sakakú yoo'? Te jaan' nduu' te ndasi' ta'an' xiin' Cristo, sakan' ña saxioo' ra yuva' e' Ndiosí xiin' si'e a jaan'. <sup>23</sup>Sakuu' ne saxioo' si'e a jaan' ndii, iin ndaa' nduu' tu ña xiin' Ndiosí, yuva' e'. Ndisu yoo ka ndiee' yu'u' xa'a' si'e a jaan' ndii, iin ndaa'

nduu' tu n̄iā xiin' yuva' e' Ndiosí jaan'. <sup>24</sup>Sakan' na kuii' taxa'a ndo' n̄a ni x̄ini so'o ndo' ndee kii' ni xa'a' xika' ndo' ichi' Jesús, te kii' xaa' ndo' sakan' ndii, iin ndaa' xachi' kunduu' ndo' xiin' si'e yuva' e' Ndiosí xiin' mii' a. <sup>25</sup>Te n̄a yo'o' nduu' kuento n̄a ni tax̄i Cristo nuu' e' ndii, n̄a natiin e' kivi' n̄uu n̄a koo' kivi' ndi'i'.

<sup>26</sup>Ke'i i n̄a yo'o' te koto xiin' mii' ndo' nuu' te kuni kuni xa'an' ndo'ó. <sup>27</sup>Ndisu ndo'ó ndii, xa ni chinaá Ndiosí Espíritu Santo nimá ndo', te naá ka n̄a jaan' ikan', sakan' na kuii' kuni ka n̄a sania'á ndee iin ne yivi' ndo'ó. Sakan' n̄a Espíritu Santo jaan' nduu' n̄a sania'á ndo'ó sakuu' n̄a kuni a kundani' ndo'. Te n̄a sania'á n̄a jaan' ndii, n̄a ndixa' nduu' a, te süu' n̄a xini xa'an' nduu' a, sakan' na kuii' kua'an' naa kua'an' ndo' n̄a iin ndaa' nduu' ndo' xiin' Cristo saa nii' ni sania'á n̄a jaan' ndo'ó.

<sup>28</sup>Ne ta'an' maní' i, vitin' ndii, iin ndaa' naa iin ndaa' kunduu' e' xiin' Cristo, sakan' te ndituni' e' kuni n̄a'a' e' kii' nandiko' a, te kuka'an' nuu' e' kii' kuni n̄a'a' e'. <sup>29</sup>Naa' xini xna'a' ndo' n̄a xachuun' ndaku a ndii, kuni a kundani' tu ndo' n̄a sakuu' ne xachuun' ndaku ndii, xa ni kaku xaa' n̄a ni xaa' a.

### Si'e Ndiosí nduu' e'

**3** <sup>1</sup>Koto' ndo', saa vi' kua'a' kundani' yuva' e' Ndiosí yoo', sakan' na si'e a nani' e' ni xaa' a. Te xa si'e xna'a' nduu' e', sakan' na kuii' ne nduu' kuenta iin yivi' ndii, näkuni n̄iā yoo' sakan' n̄a ni näkuni' tu n̄iā Ndiosí. <sup>2</sup>Nani' ta'an' maní' i, xa si'e Ndiosí nduu' e' vitin', tee' ndee xini' e' saa kuiti' koo' e', ndisu xini' e' n̄a kii' nandiko' Cristo ndii, kuu' e' saa nii' kuu' mii' a, sakan' n̄a kuni' e' saa nii' kuu' xna'a' a. <sup>3</sup>Te sakuu' ne kumi' n̄a ndiatu' in̄i jaan' xa'a' Jesús ndii, i'in kivi' kua'an' xika' ndoo ka n̄iā nuu' a, sakan' n̄a n̄a jaan' ndii, n̄a ndoo ndi'i' nduu' a.

<sup>4</sup>Sakuu' ne xaa' kuachi' ndii, xka'ndiá ndoso' tu n̄iā tu'un' ndei' Ndiosí, sakan' n̄a kuachi' nduu' a kii' xka'ndiá ndoso' e' tu'un' ndei' a. <sup>5</sup>Ndisu xini' ndo' n̄a ni kixin' Jesús iin yivi' te sandoyo' a kuachi' e'. Te n̄a jaan' ndii, n̄a koo' kuachi' nduu' a. <sup>6</sup>Sakan' na kuii' yoo' ka nduiin' xiin' Jesús ndii, xaa' ka n̄iā kuachi'. Te yoo' ka xaa' kuachi' ndii, tia'an' in̄i n̄iā kuni' n̄a'a' n̄iā, ni ndee xini' tu n̄iā yoo' nduu' Jesús jaan'. <sup>7</sup>Nani' ta'an' maní' i, tax̄i ndo' kuni' xa'an' ndee iin ne yivi' ndo'ó. Sakuu' ne xachuun' ndaku ndii, ne ndaku nimá nduu' n̄iā ndee naa

ndaku nimá ña jaan'. <sup>8</sup>Ne xaa' na xaa' kuachi ndii, kuenta ña ndiva'a nduu' nia. Sakan' ña ña ndiva'a jaan' ndii, ndee xta'an' kivi' xaa' a kuachi. Xa'a' a jaan' na ni kixin si'e Ndiosí, te sandoñu'u' a ña kini ña xaa' ña ndiva'a jaan'. <sup>9</sup>Te sakuu' ne nduu' si'e Ndiosí ndii, xaa' ka nia kuachi, sakan' ña kivi' ñuu xaa' kumi' nia ni xaa a, sakan' na kivi' ka saa nia kuachi jaan' xa'a' a ña si'e a nduu' nia. <sup>10</sup>Te xiin' ña yo'o' kuvi kundaní kaxi' e' yoo nduu' si'e Ndiosí, te yoo nduu' si'e ña ndiva'a jaan'. Sakuu' ne xachuun' ndaku ndii, süu' si'e Ndiosí nduu' nia, ni ndee süvi tu ne ndäni ne ini xini Jesús xiin' nia.

### Ka'án Juan ña kundaní ta'an' e'

<sup>11</sup>Sakan' ña ña yo'o' nduu' tu'un va'a, ña ni xini so'o ndo' ndee ña nuu' kiji' ni xa'a' ndo' ndikún ndo' ichi' Jesús, ña kundaní ta'an' i'in e'. <sup>12</sup>Te kunduu e' ndee naa Caín. Te jaan' ndii, kuenta ña ndiva'a ni nduu' ra sakan' na ni xa'ni' ra ñani mii' ra. ¿Ndee xa'a' ni xaa ra ña jaan'? Ni xaa ra a ña jaan' xa'a' a ña te xaa' ña nia'a ni nduu' ra, ndisu ñani ra jaan' ndii, te xachuun' ndaku ni nduu' te jaan'.

<sup>13</sup>Ñani ta'an' i, nändani ndo' ña ndasi' ne nduu' kuenta iin yivi' ndo'ó. <sup>14</sup>Te yoo' ndii, xini e' ña xa ni kiee e' nuu' ichi' ña kua'an mii' xii' e', te xa xika' e' ichi' ña taxi' kivi' ñuu ña köo' kivi' ndi'i', sakan' ña ndani e' ta'an' e' ne ini xini Jesús xiin' e', te yoo ka ndäni ne jaan' ndii, xika' ka nia ichi' ña kua'an mii' xii' e'. <sup>15</sup>Sakuu' ne ndasi' ne ini xini Jesús xiin' nia ndii, ne xa'ni' ne yivi' nduu' nia. Te xa xini ndo'ó ña ndee iin ne xa'ni' ne yivi' ndii, köo' kivi' ñuu ña köo' kivi' ndi'i' kumi' nia nuu' Ndiosí. <sup>16</sup>Te yoo' ndii, xiin' ña yo'o' ni kundaní e' saa nduu' a ña kundaní ta'an' e', ña ni taxi Jesucristo kivi' ñuu a, te ni xii' a xa'a' kuachi e'. Te sakan' tu kuní a saa yoo' taxi e' kivi' ñuu e' xa'a' ta'an' e', ne ini xini Jesús xiin' e'. <sup>17</sup>Ndisu naa' kumi' yoo ka ña'a, ña tiaku nia iin yivi' yo'o', te xini nia iin ne ini xini Jesús xiin' nia, ne nakotiín xa'a' ña'a, te saxi'ndia' nia ña'a nia nuu' ne jaan' ndii, kuäsa' xachi' nia'a nia ña ndani ña'a' nia saa kuní Ndiosí. <sup>18</sup>Ne ta'an' maní i, süu' xiin' tu'un ña kiee' yu'u' kuiti' e' kuní a ka'an e' ña ndani ta'an' e', süu' jaan' ndii kuní tu a ña nia'a e' ña jaan' xiin' chuun va'a ña xaa' e', te chindiee' xna'a e' ne jaan'.

<sup>19</sup>Te xiin' ña jaan' kuni e' ña ña ndixa kandixa' e', te nachinaá va'a tu e' nimá e' nuu' Ndiosí. <sup>20</sup>Te'e' ndee tiin kuachi nimá e' jaan' yoo' nuu' a ndii, Ndiosí nduu' ña ka'nu' ka te sakan' nimá e' jaan', te xini ña jaan' sakuu' ña'a. <sup>21</sup>Ne ta'an' maní' i, naa' kuäsa' tiin' kuachi nimá e' yoo' ndii, ini e' te kuyatin e' nuu' Ndiosí, <sup>22</sup>te natiin' e' ndee ka ña xikán e' nuu' a, sakan' ña kandixa' e' ña ka'an chuun' a, te xaa' tu e' ña xtani a. <sup>23</sup>Te ña yo'o' nduu' ña ka'an chuun' a ña ini e' kuni e' si'e a Jesucristo, te kundani ta'an' tu e' saa ni ka'an chuun' a xiin' e'. <sup>24</sup>Te yoo ka kandixa' ña ka'an chuun' a jaan' ndii, nduiin' nia xiin' a, te nduiin' tu a jaan' xiin' nia. Te xini e' ña jaan' sakan' ña ni taxi a Espíritu Santo naá nimá e'.

**Saa kivi kuni e' yoo nduu' ne ini xna'a xini  
Jesús, te yoo nduu' ne xini xa'an'**

**4** <sup>1</sup>Ñani ta'an' maní' i, kändixa' ndo' ña sania'á ndee ka ne yivi', ne ka'an ña Espíritu Santo saka'an ña'a, süu' jaan' ndii saa ndo' kuenta xiin' ña sania'á ne jaan' te kuni ndo' naa' kuenta Ndiosí nduu' nia. Sakan' ña xa ni nakuchi kua'a' va te ka'an tiakú tun vixi iin yivi'. <sup>2</sup>Te xiin' ña yo'o' kivi nakuni e' yoo nduu' ne naá Espíritu Ndiosí nimá. Yoo ka ndiee' yu'u' ña te yivi' xachi' ni nduu Jesucristo kii' ni kixin a iin yivi' ndii, ne jaan' naá Espíritu Ndiosí nimá. <sup>3</sup>Ndisu yoo ka ndiee' yu'u' ña te yivi' xachi' ni nduu Jesucristo ndii, süu' Espíritu Ndiosí naá nimá nia. Süu' jaan' ndii espíritu kuenta ña ndasi' ta'an' xiin' Cristo kumi' nia. Xa ni xini so'o ndo'ó ña kixin ña jaan' iin yivi', te vitin ndii, xa yoo a iin yivi'.

<sup>4</sup>Ñani ta'an' maní' i, ndo'ó ndii, kuenta Ndiosí nduu' ndo'. Te xa ni keta va'a ndo' nuu' ne xini xa'an' jaan', sakan' ña ña ka'nu' ka nduu' Espíritu Ndiosí, ña naá nimá ndo'ó, te sakan' espíritu ña ñu'u' nimá ne nduu' kuenta iin yivi' jaan'. <sup>5</sup>Ne jaan' ndii, kuenta iin yivi' nduu' nia sakan' na ka'an nia xa'a' ña tuu ne yivi' kuenta iin yivi'. Te ne yivi' kuenta iin yivi' ndii, xini so'o nia ña ka'an ne jaan'. <sup>6</sup>Yoo' ndii, kuenta Ndiosí nduu' e'. Te ne xini Ndiosí ndii, xini so'o nia ña ka'an e'. Ndisu ne nduu' kuenta Ndiosí ndii, xini so'o nia ña ka'an e'. Xiin' ña jaan' kivi kuni e' yoo nduu' ne kumi' Espíritu Ndiosí, uun ne kumi' espíritu ña xini xa'an' jaan'.

**Ka'án Juan ña kuní a kundani ta'an' e'**

<sup>7</sup>Ñani ta'an' mani' i, kuní a kundani ta'an' e', kuachi ndii nuu' Ndiosí kiese' ña ndani jaan'. Te yoo ka ndani ne yivi' ndii, si'e Ndiosí nduu' nia, te xini nia Ndiosí. <sup>8</sup>Ndisu yoo ka ndani ne yivi' ndii, tia'an kuni nia Ndiosí, sakan' ña ndani ña jaan' yoo'. <sup>9</sup>Te xiin' ña yo'o' ni nia'a Ndiosí ña kundani a yoo', ña ni ti'vi' a si'e a, ña iin ndaa' tilu', iin yivi' yo'o', te ni natiin e' kivi' ñuu ña koo' kivi' ndi'i' ni xaa ña jaan'. <sup>10</sup>Te ña kundani xna'a ndii, so'o yoo a: süu' ña ni kundani yoo' Ndiosí ña nuu', süu' jaan' ndii ña xi'na ka mii' a ni kundani yoo', te ni ti'vi' a si'e a, te ni xi'i' a, te ni cha'vi' a xa'a' kuachi e'. <sup>11</sup>Ñani ta'an' mani' i, xa'a' a ña sakan' kundani Ndiosí yoo' ndii, nii' sakan' tu kuní a kundani ta'an' yoo'. <sup>12</sup>Ndiosí ndii, ndee iin ne yivi' tia'an kuni nduchi' nuu' ña'a', ndisu naa' ndani ta'an' i'in e' ndii, iin ndaa' nduu' e' xiin' a, te naa' ndani ta'an' e' ndee naa ndani ña jaan' yoo' ndii, xa yoo xinu xna'a ña ndani a jaan' nimá e'.

<sup>13</sup>Te xa'a' a ña ni taxi a Espíritu a naá nimá e' na xini e' ña iin ndaa' xna'a nduu' e' xiin' a, te iin ndaa' tu nduu' a xiin' e'. <sup>14</sup>Te ndu'u ndii, ni xini ndu, te ndiee' yu'u' ndu ña ni tianu' yuva' e' Ndiosí si'e a, te ni tuvi' a iin yivi' te sakakú a ne yivi' iin yivi' nuu' kuachi nia. <sup>15</sup>Yoo ka ndiee' yu'u' ña si'e Ndiosí nduu' Jesús ndii, nduiin' nia xiin' Ndiosí, te nduiin' tu a jaan' xiin' nia. <sup>16</sup>Te xini e' ña kundani Ndiosí yoo', te ini e' xini e' ña kundani a yoo'. Ndiosí nduu' ña ndani yoo'. Te yoo ka nduu' ne ndani ta'an' ndii, nduiin' nia xiin' a, te nduiin' tu a xiin' nia. <sup>17</sup>Te xiin' ña yo'o' xinu ña ndani ta'an' e' saa kuní Ndiosí, te ini e' kii' xaa kivi' ña sana'má a sakuu' ne yivi'. Sakan' ña xika' e' iin yivi' yo'o' saa nii' ni xika' Jesucristo. <sup>18</sup>Ne ndani ne yivi' ndii, yi'vi nia xa'a' kivi' jaan'. Kuachi ndii kii' ndani xna'a e' ndii, xinu' ña yi'vi e' jaan'. Sakan' na kuii' ne yi'vi ndii, xanini nia ña sando'o' ña'a' Ndiosí xa'a' a ña tia'an xinu xna'a ña ndani nia saa kuní Ndiosí. <sup>19</sup>Yoo' ndii, kundani ña'a' e', sakan' ña xi'na ka ña jaan' ni kundani yoo'. <sup>20</sup>Naa' ka'án yoo ka ndii, “Kundani yu'u Ndiosí”, kachi nia, ndisu ndasi' nia ne ini xini Jesús xiin' nia ndii, ne xini xa'an' nduu' nia na sakan'. Kuachi ndii, naa' kundani nia ne ini xini Jesús xiin' nia, ne kuví xini nduchi' nuu' nia ndii, ¿saa kuví

ka'án n̄ia n̄a kundan̄i n̄ia Ndiosí, n̄a tia'an kun̄i nduchi' nuu' n̄ia? <sup>21</sup> Jesucristo n̄i ka'an chuun' nuu' ndu n̄a naa' ndan̄i e' Ndiosí ndii, kun̄i tu a n̄a kundan̄i e' ne in̄i xini Jesús xiin' e'.

### In̄i e' kun̄i e' Jesús

**5** <sup>1</sup>Yoo ka kandixa' n̄a Jesús nduu' Cristo n̄i tianu' Ndiosí kuenta a ndii, ne jaan' nduu' si'e Ndiosí. Yoo ka kundan̄i iin yuva' ndii, kun̄i a n̄a kundan̄i tu n̄ia si'e ra. <sup>2</sup>Te xiin' n̄a yo'o' xini e' n̄a kundan̄i e' ne nduu' si'e Ndiosí xiin' e', kii' kundan̄i e' Ndiosí, te kandixa' tu e' n̄a ka'án chuun' a. <sup>3</sup>Sakan' na kuu' naa' kundan̄i xna'a e' Ndiosí ndii, saxinú e' n̄a ka'án chuun' a. Te n̄a ka'án chuun' a jaan' ndii, süu' n̄a vixi nduu' a. <sup>4</sup>Kuach̄i ndii sakuu' yoo', ne nduu' si'e Ndiosí ndii, kanando e' nuu' n̄a nduu' kuenta iin yivi'. Te xiin' n̄a yo'o' kanando e' nuu' n̄a nduu' kuenta iin yivi' jaan', n̄a nduu' n̄a in̄i e' xini e' Jesucristo. <sup>5</sup>Süu' ndee ka ne yivi' kanando nuu' n̄a nduu' kuenta iin yivi' jaan'. Süu' jaan' ndii ne kandixa' n̄a si'e Ndiosí nduu' Jesús, ne jaan' kuiti' kanando nuu' n̄a nduu' kuenta iin yivi'.

<sup>6</sup>Te tikui xiin' n̄ii' nduu' n̄a n̄ia'á n̄a n̄i kixin̄i Jesucristo nuu' Ndiosí, süu' tikui kuiti' n̄ia'á n̄a jaan', süu' jaan' ndii tikui xiin' n̄ii' n̄ia'á n̄a jaan'. Te Esp̄iritu Santo nduu' n̄a ndiee' yu'u' xa'a' n̄a jaan', sakan' n̄a Esp̄iritu jaan' ndii, n̄a ndixa' nduu' a. <sup>7</sup>Kuach̄i ndii, un̄i ta'an kuu' n̄a ndiee' yu'u' ndivi': [Te n̄a jaan' nduu' Ndiosí, yuva' e', xiin' si'e a, xiin' Esp̄iritu Santo. Te iin ndaa' nduu' un̄i saa' n̄a jaan'. <sup>8</sup>Te un̄i ta'an kuu' n̄a ndiee' yu'u' iin yivi', te n̄a jaan' nduu'] Esp̄iritu Santo jaan', xiin' tikui jaan', xiin' n̄ii'. Te nakuitá n̄a ndiee' yu'u' un̄i saa' n̄a jaan'. <sup>9</sup>Naa' natiin' e' n̄a ndiee' yu'u' ne yivi' ndii, saa ka vi' tu xata'an ka nat̄iin e' n̄a ndiee' yu'u' Ndiosí, sakan' n̄a n̄a ka'nu' ka nduu' n̄a ndiee' yu'u' a jaan'. Sakan' n̄a xa'a' si'e a n̄i ndiee' yu'u' a. <sup>10</sup>Yoo ka in̄i xini si'e Ndiosí jaan' ndii, natiin' n̄ia n̄a ndiee' yu'u' n̄a jaan'. Ndisu yoo ka in̄i xini si'e a jaan' ndii, sandiee' vixi n̄ia Ndiosí xa'a' a n̄a n̄i kandixa' n̄ia n̄a ndiee' yu'u' a xa'a' si'e a jaan'. <sup>11</sup>Te xa'a' n̄a yo'o' nduu' n̄a n̄i ndiee' yu'u' Ndiosí, n̄a n̄i tax̄i a kivi' n̄uu e' n̄a köo' kivi' ndi'i'. Te kivi' n̄uu e' jaan' ndii, nda'a' si'e a jaan' natiin' e'. <sup>12</sup>Ne in̄i xini si'e Ndiosí ndii, natiin' n̄ia kivi' n̄uu n̄a köo' kivi' ndi'i', ndisu ne in̄i xini si'e a jaan' ndii, köo' kivi' n̄uu jaan' natiin' n̄ia.



**Sandi'i' ndoſo' Juan ke'i ra**

<sup>13</sup>Ke'i i ña yoso' yo'o' nuu' ndo'ó, ne iní xini si'e Ndiosí, te kuní ndo' ña xa kumi' ndo' kivi' ñuu ña kōo' kivi' ndi'i, te iní ndo' kuní ndo' si'e a jaan'. <sup>14</sup>Te ña yo'o' nduu' ña iní e' xini e' Ndiosí, ña kii' xikán e' ndee ka ña'a nuu' a saa kuní mii' a ndii, xini so'o a ña ka'án e'. <sup>15</sup>Te naa' xini e' ña xini so'o a ña xikán e' nuu' a ndii, xini kaxi' tu e' ña xa natiin' e' ña xikán e' nuu' a jaan'.

<sup>16</sup>Naa' xini sava' ndo'ó ña xaa' iin ne nakayá xiin' ndo' xa'a' Jesús kuachi, ña saku'ún ña'a' te kuvi nia ndii, ka'an ndo' xiin' Ndiosí xa'a' nia, te taxi ña jaan' kivi' ñuu ña kōo' kivi' ndi'i nda'a' nia. Sakan' saa ndo' xa'a' ne xaa' kuachi ña saku'ún ña'a' te kuvi nia. Kuachi ndii yoo kuachi ña saku'ún ne yivi' te kuvi nia, te ká'án i na ka'an ndo' xiin' Ndiosí xa'a' ne jaan'. <sup>17</sup>Sakuu' ña nia'a nduu' kuachi. Ndisu yoo kuachi ña saku'ún ña'a' te kuvi nia.

<sup>18</sup>Xini e' ña yoo', ne nduu' si'e Ndiosí ndii, xaa' ka e' kuachi. Sakan' ña Jesús, si'e Ndiosí, xito' yoo', te kuvi satuxu'ví ña ndiva'a yoo'. <sup>19</sup>Te xini tu e' ña si'e Ndiosí nduu' e', te nda'a' ña ndiva'a naá kani' iin yivi'. <sup>20</sup>Te xini tu e' ña ni kixin si'e Ndiosí iin yivi', te ni taxi a ña kundani e' ndee ña nduu' Ndiosí xna'a. Te yoo' ndii, nduui' e' xiin' ña ndixa jaan', te nduui' tu e' xiin' si'e a jaan', ña nduu' Jesucristo, te ña jaan' nduu' Ndiosí xna'a, te ña jaan' tu taxi' kivi' ñuu e' ña kōo' kivi' ndi'i. <sup>21</sup>Ne kua'a mii' i, koto xiin' mii' va ndo' nuu' ndiosí saka. Sakan' na kunduu a.